

Тошкент ирригация ва қишлоқ хўжалигини механизациялаш муҳандислари институти  
ҳамда Ўзбекэнерго АЖ илмий техника маркази МЧЖ ўртасидаги инновацион  
ҳамкорликни амалга ошириш тўғрисида  
**ШАРТНОМА № 3/01-18**

“ 18 ” 01 20 18 йил

Тошкент шаҳри

Ўзбекистон Республикаси Президентининг 2017 йил 20 апрелдаги ПҚ2909- сонли "Олий таълим тизимини янада ривожлантириш чора-тадбирлари тўғрисида"ги ва 2017 йил 24 майдаги ПҚ 3003-сонли "Қишлоқ ва сув хўжалиги тармоқлари учун муҳандис-техник кадрлар тайёрлаш тизимини тубдан такомиллаштириш чора-тадбирлари тўғрисида"ги ҳамда 2017 йил 27 июлдаги "Олий маълумотли мутахассислар тайёрлаш сифатини оширишда иқтисодиёт соҳалари ва тармоқларининг иштирокини янада кенгайтириш чора-тадбирлари тўғрисида"ги ПҚ-3151-сонли қарори билан Республикамиз ҳудудларини ижтимоий-иқтисодий ривожлантириш учун олий маълумотли мутахассисларни тайёрлаш сифатини оширишда иқтисодиёт соҳалари ва тармоқларининг иштирокини кенгайтириш, олий таълим тизимида кадрлар тайёрлашнинг мазмунини мамлакатнинг тараққиёти истиқболлари, жамият эҳтиёжлари, илм-фан, техника ва технологияларнинг замонавий ютуқларидан келиб чиққан ҳолда тубдан такомиллаштириш вазифаларни бажариш мақсадида

Тошкент ирригация ва қишлоқ хўжалигини механизациялаш муҳандислари институти (ТИҚХММИ) ректори профессор Ў.П.Умурзаков бир томондан, "Ўзбекэнерго" АЖ илмий техника маркази МЧЖ (Ўзбекэнерго АЖ ИТМ МЧЖ) номидан мазкур институти директори Х.М.Муратов иккинчи томондан ушбу икки томонлама инновацион ҳамкорлик шартномасини туздилар.

### 1. Шартноманинг мазмуни

Сув хўжалиги соҳалари учун юқори малакали кадрларни тайёрлаш, мутахассислар малакасини ошириш, соҳани жадал ривожлантиришда ТИҚХММИ ҳамда Ўзбекэнерго АЖ илмий техника маркази МЧЖ ўртасидаги узвий алоқа тизимини такомиллаштириш бўйича уларнинг ўртасида ўзаро манфаатли инновацион ҳамкорликни ўрнатиш:

- Тошкент ирригация ва қишлоқ хўжалигини механизациялаш муҳандислари институтининг профессор-ўқитувчилари, таянч докторантлари, мустақил изланувчилари ва иқтидорли талабаларининг интеллектуал салоҳиятини Ўзбекэнерго АЖ илмий техника маркази МЧЖ даги "Энергетикада ахборот ва коммуникация технологиялари" лабораторияга реал муаммоларни ечиш учун сафарбар қилиш.
- Тошкент ирригация ва қишлоқ хўжалигини механизациялаш муҳандислари институти профессор-ўқитувчилари, таянч докторантлари, мустақил изланувчилари ва иқтидорли талабаларининг илмий-тадқиқот фаолиятлари натижасида яратилаётган ишланмаларини ишлаб чиқаришга ўз вақтида жорий этиш.
- "Ўзбекэнерго" АЖ ИТМ МЧЖ базасида магистрларнинг стажировкаларини ташкиллаштириш, ўқув режалари ва фан дастурларига реал иқтисодиёт субъектлари талабларига мос равишда ўзгартириш ва қўшимчалар киритиш бўйича ўрнатилган тартибда таклифларни ишлаб чиқиш.
- Сув хўжалиги соҳалари учун юқори малакали кадрларни тайёрлаш, мутахассислар малакасини ошириш, соҳа фанини жадал ривожлантиришда ТИҚХММИ ҳамда Ўзбекэнерго АЖ ИТМ МЧЖ ўртасидаги алоқа тизимини такомиллаштириш, шунингдек уларнинг ўртасида ўзаро манфаатли ҳамкорликни ўрнатиш;
- Юқори малакали мутахассислар, жумладан илмий ва илмий – педагогик кадрлар ва магистрлар тайёрлашда ТИҚХММИ ҳамда Ўзбекэнерго АЖ ИТМ МЧЖ нинг моддий техник базаси ва салоҳиятидан фойдаланиш ҳамда ўқув ва илмий – тадқиқот муассасалари салоҳияти ва базасидан унумли фойдаланган ҳолда уларни ривожлантириш;

- Бўш иш ўринлари ва истиқболда янги мутахассисларга бўладиган эҳтиёжлар ҳақидаги маълумотлар базасини шакллантириш, битирувчиларни малакавий битирув ишларини ва диссертацияларини бажаришларида ва ишга жойлаштиришда яқиндан ёрдам бериш.

## **2. Томонларнинг вазифалари ва мажбуриятлари**

(шартномага илова қилинган ва ўзаро келишилган чора-тадбирлар режаси асосида)

### **2.1. Узбекэнерго АЖ ИТМ МЧЖ :**

- Тошкент ирригация ва қишлоқ хўжалигини механизациялаш муҳандислари институти билан Узбекэнерго АЖ илмий техника маркази МЧЖ ўртасидаги инновацион ҳамкорликни ривожлантириш учун биргаликда инновацион гуруҳ ташкил этиш.
- Узбекэнерго АЖ ИТМ МЧЖ нинг ўз ечимини кутаётган илмий-техник ва технологик муаммолар тўғрисидаги маълумотларни инновацион гуруҳга тақдим этиш;
- инновацион гуруҳ таркибига тажрибали ва юқори малакали мутахассисларни киритиш ва уларнинг самарали ишлашлари учун зарурий шарт шароитларни яратиш;
- таълимда узвийлик ва узлуксизликни ҳисобга олган ҳолда давлат таълим стандартлари, ўқув режалари ва дастурларини такомиллаштиришда, кафедра моддий техника ва ўқув лаборатория базасини ривожлантиришда иштирок этиш ҳамда ҳомийлик қилиш;
- институтининг етакчи мутахассислари томонидан институт профессор-ўқитувчилари ва талабаларига маърузалар ўқиш, бакалаврлар малакавий битирув ишлари ва магистрлик диссертацияларига илмий раҳбарлик қилиш;
- ўзаро ҳамкорликда услубий қўлланмалар яратиш, илмий – тадқиқот ишларини олиб боришни ташкил этиш ва илмий натижалардан ўқув жараёнида фойдаланишни таъминлаш. Инновацион гуруҳнинг самарали деб топилган илмий ишланмаларини корхоналарнинг ишлаб чиқариш амалиётларига татбиқ этиш;
- институт профессор – ўқитувчилари ва илмий ходимларининг қисқа муддатли амалиётларини ўтказиш ва малакасини ошириш мақсадида ўзининг моддий техника базасидан фойдаланиш имкониятини яратиш;
- соҳа бўйича ишлаб чиқаришда мавжуд маълумотлар ва муаммолар банки билан ТИҚХММИ талабномаси бўйича мунтазам таъминлаб бориш ва илмий амалий ҳамкорликни амалга ошириш;
- талабаларнинг ўқув, малакавий ва битирув олди амалиётларини ўз базасида дастур талаблари даражасида ўтказилишини таъминлаш, талабаларга етакчи мутахассислардан раҳбарлар бириктириш; талабалар ва магистрлар билан сув хўжалиги объектларида интеллектуал бошқарув тизимларини қўллаш масалалари бўйича ташкил этиладиган учрашувларда қатнашиш.
- мазкур шартнома иловасида келтирилган ўзаро келишилган чора тадбирларнинг барча тегишли бандларини ва томон розилигига кўра бошқа шартларни бажариш мажбуриятини олади.

### **2.2. Тошкент ирригация ва қишлоқ хўжалигини механизациялаш муҳандислари институти:**

- талабаларни юқори малакали кадрлар бўлиб етиштиришларида уларнинг таҳсил олиши учун таълим муассаси Низомида кўзда тутилган барча зарурий шароитларни яратиш;
- кадрларни тасдиқланган ўқув режа ва дастурларига мувофиқ давлат таълим стандартлари талаблари даражасида ҳомий ташкилотлар тавсияларини эътиборга олган ҳолда тайёрлаш, мутахассисларни битирувчиларнинг якуний давлат аттестацияларида иштирок этишларини таъминлаш;
- инновацион гуруҳ томонидан намунавий истиқболли илмий тадқиқот мавзулари рўйхатини шакллантириш ва уларни Фан ва технологияларни ривожлантиришни мувофиқлаштириш қўмитасига тақдим этиб бориш;
- корхоналарнинг илмий – техник ва технологик муаммолари асосида битирув малакавий ишлари, магистрлик диссертациялари мавзулари банкни шакллантириш;

- талабаларга ўқув дастурларига кўшимча равишда Ўзбекэнерго АЖ ИТМ МЧЖ нинг етук мутахассислари томонидан соҳада олиб борилаётган ислохотлар, мавжуд муаммолар, эришилаётган ютуқлар, илғор техника ва технологиялар ҳамда стратегик йўналишларга бағишлаб ўқиладиган маъруза ва давра суҳбатларини ташкил этиш;
- соҳасига фидоий ва юқори сифат даражасида дарс бераётган ҳамда тадқиқотлар бажараётган профессор-ўқитувчилар ва иқтидорли ҳамда жамоат ишларида фаол бўлган талабаларни рағбатлантириш;
- ТИҚХММИ талабаларининг марказ тизимидаги амалиёт раҳбарлари ва битирув малакавий ишлари, магистрлик диссертациялари раҳбарини моддий рағбатлантириш;
- Ўзбекэнерго АЖ ИТМ МЧЖ нинг тавсиясига кўра олий маълумотли ходимларни марказ тизимидаги илмий текшириш институтлари қошида хар уч йилда бир марта малака оширишларини ташкил этиш;
- Ўзбекэнерго АЖ ИТМ МЧЖ га магистрларни ўқув ва малакаий амалиётларни график асосида ўтишга юбориш. Битирувчилар талабаларни ишга йўллашнинг ўзаро манфаатли шакллари ишлаб чиқиш;
- Ўзбекэнерго АЖ ИТМ МЧЖ да мавжуд маълумотлар асосида битирув малакавий ишлар, магистрлик, докторлик диссертациялари мавзусини шакллантириш ҳамда ҳамкорликда илмий тадқиқотлар ташкил этиш;
- Ўзбекэнерго АЖ ИТМ МЧЖ нинг етакчи мутахассисларини ўқув жараёнига жалб этиш;
- ТИҚХММИ да ўтадиган халқаро ва республика анжуманларига ва бажариладиган халқаро илмий лойиҳаларга марказнинг етакчи олимларини таклиф қилиш;
- ТИҚХММИда тайёрланаётган янги дарслик, ўқув қўлланма ва компьютер дастурларида Ўзбекэнерго АЖ ИТМ МЧЖ ходимларини иштирок этишига шароит яратиш;
- фан – таълим – ишлаб чиқариш ўртасида ўзаро ҳамкорликнинг ривожланишига ҳисса қўшаётган соҳанинг фидоий ходимларини рағбатлантириш;
- мазкур шартнома иловасида келтирилган ўзаро келишилган чора тадбирларнинг барча тегишли бандларини ва томон розилигига кўра бошқа шартларни бажариш мажбуриятини олади.

### 5. Шартноманинг амал қилиш муддати

- Мазкур шартнома томонлар имзолагандан кундан бошлаб кучга киради ва беш йил муддатга амал қилади. Амал қилиш муддати тугагандан сўнг томонлар шартномани тугатиш ҳақида ёзма огоҳлантириш бермасалар унинг амал қилиш муддати кейинги беш йилга узаяди.

### 6. Томонларнинг юридик манзиллари

ТИҚХММИ: 100000,  
Тошкент ш.  
Қ.Ниёзий кўчаси, 39 – уй.  
Тел./факс: 237-19-61  
E-mail:  
[t.automation@tiame.uz](mailto:t.automation@tiame.uz)

“Ўзбекэнерго” АЖ ИТМ МЧЖ : 100074, ✓  
Тошкент ш. М.Ашрафий кўчаси,  
1-муйилиш, 9А  
Тел/факс: 230-14-47 , 283-23-08  
E-mail:  
[markaz@uzbekenergo.uz](mailto:markaz@uzbekenergo.uz)



ТИҚХММИ ректори  
Ў.Умурзаков  
20 18 йил



“Ўзбекэнерго” АЖ ИТМ МЧЖ  
директори  
Х.Мурагов ✓  
2018 йил

*(Handwritten signature)*

*(Handwritten signature)*